



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Annus Cisterciensis

In quo Pia, Et Brevi Apostrophe proponuntur Veneranda, & Imitanda Gesta  
præcipua, & eximiæ Virtutes Sanctorum ac Beatorum utriusque sexûs  
Ejusdem Sacri, Et Ab Origine Sua Exempti Ordinis


**Meglinger, Joseph**

**[S.l.], Anno MDCLXXXIII.**

22. Augusti. 11. Cal. Septemb.

**urn:nbn:de:hbz:466:1-45314**

enutriet: ut fiducialiter, & fideliter  
 dicas: Dominus sollicitus est mei: neq;  
 enim hoc sapiunt homines amantes  
 seipsos, homines scioli, & solliciti pro  
 seipsis, curam carnis perscipientes in  
 desiderijs.



22. Augusti. II. Cal. Septemb.

*Vix  
 habet  
 in hoc  
 genere  
 sibi pa-  
 rem.*

**T**ertia hac die triplicem triumphum  
 tuum ex ter gemino hoste confide-  
 rans, te, fortissime athleta BERNAR-  
 DE, in primis suspicio

**TERROREM DÆMO-  
 NUM.**

*Circa  
 annum  
 1130.*

**P**rælusisti huic in principes tenebra-  
 rum imperio quinque annorum pu-  
 erulus: dum pellendo capitis dolo-  
 strygem, carmen magicum adhibitu-  
 ram, indignans abegisti; jam tum na-  
 turali quodam impetu superstitionem,  
 velut serpentis antiqui foetum, execra-  
 tus. Sed sponte agnovit hoc domini-  
 um malignus: ad te enim cum duæ  
 foeminae ducerentur, ab infessoribus  
 infernalibus liberandæ: in ipso itinere  
 hospitium suum alter deseruit; fallus,  
 nequicquam se tuæ potestati resistere,  
 quem



quem olim juvenem nullis machinis  
 de innocentia dejicere valuerit. Arma  
 ad domandos demones, Herculeis for-  
 tiora erant res quælibet tuo contactu  
 sacratæ. Expertus id Pontius Bellæval-  
 lis Abbas, qui Stolâ, tuâ quondam in  
 Sacrificio veste, garrulum veteratorem  
 ad infernale spelæum religavit. Hujus  
 prodigiosæ virtutis non ignari filii tui,  
 capillos, & ejusmodi alia studiosè af-  
 servabant. His cum dente in Daniam  
 asportatis Eskylus, regni Primas, ali-  
 quot de expulso nequissimo hoste nu-  
 meravit victorias. Alter in Italia Ab-  
 bas turpem mimum è scœmina eodem  
 remedio proscripsit, quamvis obstina-  
 tum, &, cur cedere nollet, Gozevini  
 Generalis mandato se inter sannas ex-  
 cusantem, quo tibi nimis numerosa ad-  
 tumulum miracula interdixerat. Diffi-  
 cilior ad jussû tua fuit, quam in Mediola-  
 nensi scœminâ domicilium fixerat. Sed  
 & is suas repetiit tenebras, postquam  
 præsentem sub Panis sacrati forma Ju-  
 dicem illi suum opposuisti. Ibidem a-  
 lius simulatâ fugâ, eodem die pristina  
 sedi dominari ausus est. Hunc Cremo-  
 næ, licet Syrulum Bernardulumq; de-  
 terrimus sannio rideret, appensâ pau-  
 corum verborum schedulâ, in exilium  
 relegavisti. Eundem spurcissimum ca-

*noscio,  
 & ab-  
 senti  
 cedunt  
 demo-  
 nes.*

*Mira  
 mali-  
 gni a-  
 stutia.*

*Fuga-  
 tur Ex-  
 chari-  
 stia:*

*& sche-  
 dulâ.*

H h nem



*Accu-  
santem  
refellit.* nem Nannetis baculo prohibuisti, ne  
ad mulierem, inauditâ petulantia diu  
vexatam porrò accederet. Tot præliis  
subactus spiritus mendax, non veritus  
tamen est, te gravi morbo laborantem  
coram Christo Iudice reum agere. At  
ubite sacratissima Passionis Domini-  
cæ arma in se vibrantem vidit: suo se  
silentio turpis Rhadamantus damna-  
vit.

Si fictæ pietatis larvam exuat, tru-  
culentior ipso dæmone salutis hostis  
est hæresis. Quam cùm tu, invicte ve-  
ritatis assertor BERNARDE, non se-  
mel contuderis, extollo te hodie ut

## HÆRETICORUM MALLEUM.

*Argu-  
rias A-  
bailar-  
di ex-  
plodit:  
  
ipsum-  
que cõ-  
vertit.* Primam in hæreses pugnam tibi ob-  
tulit Petrus Abailardus: qui cùm te ad  
singulare certamen coram celebri con-  
ventu subeundum Senonas vocavisset,  
confusâ repentiè memoriâ, expertus  
est, quàm infeliciter præsumperit va-  
na sua dicacitate simplicitatem tuam  
obruere. Utcunque autem ad omnia  
sacræ potestatis fulmina immobilem,  
uno tandem colloquio non solum ad  
palinodiam, sed etiam (quod maxime  
quærebas) ad meliorem vitam persua-  
sisti: quam in monasterio Cluniacensi  
laudabili



laudabili exitu senex finivit. Hujus  
discipulus, peior magistro, Arnaldus  
de Brixia, spargebat crassissimos erro-  
res per Italiam: jamque Romam con-  
tra Innocentium armaverat. Quem  
tu stylo insecutus Romam primum, de-  
inde Constantiam exturbasti. Sed is de-  
nuo venenatum caput erigens, factio-  
nibus subdolis tantum potuit; ut po-  
puli Romani furis cedere noviter ele-  
ctus Eugenius, & Vaticanum in Fran-  
cia quærere coactus fuerit. Hic pro fi-  
lio simul, & communi orbis Christia-  
ni Parente arma stringens, acri graviq;  
epistola Senatum populumq; Roma-  
num eò adduxisti: ut, licet serò, serò  
tamen Pontifici sese submiserit. Non-  
dum pacata erat Italia: cum in Gallia  
Petrus Tolosanus detestabili furens in-  
fania, parvulis sacrum Baptisma, tem-  
plis, & Imaginibus honorem, Defun-  
ctis orationes fidelium, Christi in Ev-  
charistia præsentiam negans, noxium  
virus longè lateque diffudit. Cujus op-  
primendi spem unam in te reposuere  
probi omnes. Nec defuisti rogantibus:  
sed Apostolico armatus zelo falsa do-  
gmata scripto in primis & verbo con-  
futasti: rudem verò plebem, impostor-  
is nefarii fraudibus circumventam,  
miraculorum lumine ad agnitionem

*vide e-*  
*pistolas*  
*Bern.*  
*195. 196.*  
*ubi il-*  
*lius vi-*  
*ta &*  
*dogma*  
*descri-*  
*bitur.*

*epistola*  
*191.*  
*Henrici*  
*Tulosa.*  
*errores*  
*oppri-*  
*mit:*

H h 2                                  veritatis





*Trini-  
tarios  
hæret.  
expu-  
gnat.*

veritatis adduxisti. Plus aliquantum negotii faceſſebat Gilbertus Porretanus Episcopus: qui mortali oculo SS. Trinitatis arcanum penetrare præsumens, aliquid in DEO videre se credebat, quod non eſſet DEUS. Is inventis à se loquendi subtilitatibus mordicus inhærens, post multas tandem decertationes, in Concilio Rhemensi opinionibus suis rejectis, in gratiam rediit Eugenii Pontificis.

Agmen hostile claudant auctores, ac fautores fissurarum in Republica Christiana: utrique à te, Apostolicæ Sedis Defensor inelyte, debellati, exclamare coguntur, te fuisse

### SCHISMATICORUM FLAGELLUM.

*Anno  
1130.*

Sævissimæ tempestatis origo fuit ambitio Petri Leonis: qui post Innocentium III. aliquorum suffragiis intrusus, assumpto Anacleti nomine, per rapinas, sacrilegia, & latrocinia vendicare sibi Pontificatum conatus, totum orbem in partes distraxit. Octo annis grassata est hæc pestis: quo tempore in diversis Conciliis, ad vocis tuæ oraculum suspensis Ecclesiarum, regnorumque principibus, assertus Innocentius, in Aquitania prostratus.

*usque  
ad añ.  
1138.*

nà cum



nà cum instigatore suo, Gerardo Engolismensi, Dux Guilielmus: victus, te yaticinante, Lotharii Cæsaris armis Rogerius Siciliae Rex: ipse tandem inauspicatus Pontifex pavenda morte sublatus, eique succedens Victor à te victus, & ad Innocentii pedes abiectus. Nec immeritò te tunc ex Urbe egredientem plebs clamore publico Pacificatorem Orbis, Ecclesiasticae Libertatis vindicem, Patris Patrem, salutavit. Tot, ac tantorum hostium gloriosissime victor, adesto & mihi venenatis undique telis exposito. Non ferent hostes mei praesentiam tuam in caelo, cum triumphantis, cum adhuc mortali nemo se opposuerit, nisi vincendus.

Schisma an-  
ipapae,  
laborii  
Bern.  
maxi-  
mus.

B. LAMBERTE: qui sancti germani tui, Petri Tarentasiensis consilia, & anno post susceptum Cisterciensem Ordinem, virtutum vestigia tam strenuè secutus es, ut Cheseriaco praepositus Abbas, sanctimoniae & prodigiorum gloria clarissimus ex hac vita discesseris. Miraculis Divinae misericordiae accensetur conversio peccatoris, sub diuturna male consuetudinis tabe sepulti: hoc ut in me Deus operetur, efficiat, oro, tua pro me intercessio.

Floruit  
anno  
1150.

B. GODEFRIDE, monache Villarientis: qui Parthenoni Cameræ MARITIMAE in conscientiae moderatorem deputatus 1122.

Floruit  
circa




Angeli  
moriēti  
presen-  
tes.

deputatus, munus illud Angelica puritate, ac animarum fructu te administravisse, musica cœlestis indicavit, quæ multorum auribus excepta est, cùm tu spiritum exhalares. Tu fideli custodia sacrarum virginum, cœli præmia meruisti: me quoque ad seriam excita vigiliam pro sponsa Christi, anima mea: & hoc opus Divina elaboratum manu, & sanguine Divino reparatum, meâ culpâ intereat.

S. BERNARDUS, ser. 48. in Cant.

Vigilā-  
dum  
temper  
inter  
tentati-  
ones.

Donec in carne est anima, inter spinas profectò versatur: & necesse est, ut patiatur inquietudines tentationum, tribulationumq; aculeos. Quòd si liliū est ipsa, juxta Sponsi verbum: videat, quàm vigilem, sollicitumque esse oporteat super custodia sui, septimāq; spinis hinc inde aculeos intendentibus.



23. Augusti. 10. Cal. Septemb.

TRIA iterum hodie elogia de millenis produco. Atque ut ab infimo incipiam, te contemlor, utinam & imitarer!

HUMI.